

## ԸՆԹԱՑԱԿԱՐԳ

2016-2017 ուստարվա ՀՀ դպրոցականների <<Մաթեմատիկա>> առարկայի

### օլիմպիադայի կազմակերպման և անցկացման

1. Սույն Ընթացակարգով կարգավորվում են 2016-2017 ուսումնական տարվա Հայաստանի Հանրապետության դպրոցականների <<Մաթեմատիկա>> առարկայի օլիմպիադայի /այսուհետ՝ Օլիմպիադա/ կազմակերպման և անցկացման հետ կապված հարաբերությունները:
2. Սույն Ընթացակարգով սահմանված Հավելվածների ձևանմուշները, առաջադրանքները, պատասխանները, արդյունքները և Օլիմպիադայի վերաբերյալ այլ տեղեկությունները տեղադրվում են [www.olymp.am](http://www.olymp.am) և [lib.armedu.am](http://lib.armedu.am) կայքերում:
3. Օլիմպիադան կազմակերպվում է երեք փուլով՝ առաջին /դպրոցական/, երկրորդ /մարզային/ և երրորդ /հանրապետական/:
4. Օլիմպիադան անցկացվում է յոթ խմբերով.  
I խումբ՝ 5-րդ դաս., II խումբ՝ 6-րդ դաս., III խումբ՝ 7-րդ դաս., IV խումբ՝ 8-րդ դաս.,  
V խումբ՝ 9-րդ դաս., VI խումբ՝ 10-րդ դաս., VII խումբ՝ 11-12-րդ դաս.:
5. Ցածր դասարանում սովորողը կարող է մասնակցել ավելի բարձր խմբի սովորողների օլիմպիադային:
6. Օլիմպիադայի բոլոր փուլերի տարբերակները՝ ըստ խմբերի, կազմում է հանրապետական առարկայական հանձնաժողովը:
7. Օլիմպիադայի առաջին փուլն անցկացվում է դպրոցում:
8. Օլիմպիադան կազմակերպելու համար դպրոցի տնօրենի հրամանով ստեղծվում է հանձնաժողով, որի կազմում չեն կարող ընդգրկվել մաթեմատիկա առարկայի մասնագետներ:
9. Առաջին փուլին կարող է մասնակցել ցանկացած սովորող, այդ մասին տեղեկացնելով դպրոցի տնօրինությանը:
10. Դպրոցի տնօրինությունը մինչև 2016 թ. դեկտեմբերի 15-ը ներառյալ հայտագրված աշակերտների վերջնական ցուցակն ըստ աշակերտների ընտրած Ա\* տարբերակի կամ Բ տարբերակի՝ համաձայն Հավելված 1-ի, ներկայացնում է մարզպետարան /քաղաքապետարան/:
11. Մարզպետարանի կրթության, մշակույթի և սպորտի վարչությունը /Երևանի քաղաքապետարանի հանրակրթության վարչությունը/ մինչև 2016թ. դեկտեմբերի 24-ը ներառյալ մասնակիցների ցուցակներն ըստ Հավելված 2-ի ներկայացնում է հանրապետական կազմկոմիտեին՝ [info@olymp.am](mailto:info@olymp.am) հասցեով:
12. Հանրապետական կազմկոմիտեն հաստատում է առաջին փուլի մասնակիցների ցուցակը, որը տեղադրվում է [www.olymp.am](http://www.olymp.am) և [lib.armedu.am](http://lib.armedu.am) կայքերում:
13. Օլիմպիադայի առաջին փուլն անցկացվում է 2017 թ. հունվարի 31-ին ժամը 12:30-ին:
14. Օլիմպիադայի առաջին փուլի արդյունքները չեն բողոքարկվում:
15. Դպրոցի տնօրինությունը պատասխանների լրացված ձևաթղթերը հանձնում է մարզպետարան /քաղաքապետարան/ մինչև 2017թ. փետրվարի 1-ին ժամը 17:00:
16. Մարզպետարանի կրթության, մշակույթի և սպորտի վարչությունը /Երևանի քաղաքապետարանի հանրակրթության վարչությունը/ դպրոցներից ստացված պատասխանների ձևաթղթերը ներկայացնում է ՀՀ ԿԳՆ, մինչև փետրվարի 3-ը ժամը 17:00:

17. Օլիմպիադայի երկրորդ փուլն անցկացվում է մարզպետարանների /Երևանի քաղաքապետարանի/ կողմից սահմանված վայրում:
18. Երկրորդ փուլին մասնակցում են առաջին փուլում լավագույն արդյունքներ ցուցաբերած աշակերտները՝ հանրապետական կազմկոմիտեի որոշման համաձայն:
19. Օլիմպիադայի երկրորդ փուլն անցկացվում է 2017թ. փետրվարի 18-ին ժամը 10:00-ին, որին կարող են մասնակցել առաջին փուլում Ա տարբերակ կամ Բ տարբերակ ընտրած և անցումային միավորներ ստացած աշակերտները:
20. Օլիմպիադայի երկրորդ փուլի աշխատանքները ստուգում է մարզպետարանների /Երևանում քաղաքապետարանի/ կողմից ստեղծված առարկայական հանձնաժողովը:
21. Օլիմպիադայի երկրորդ փուլի աշխատանքների արդյունքների բողոքարկումը կատարվում է օլիմպիադայի անցկացման վայրում՝ առարկայական հանձնաժողովի կողմից նշանակված ժամին:
22. Երկրորդ փուլի հաղթողներն ըստ Ա և Բ տարբերակների, պարգևատրվում են մարզպետարանների /Երևանում քաղաքապետարանի/ դիպլոմներով և գովասանագրերով:
23. Օլիմպիադայի երկրորդ փուլի Ա տարբերակ կամ Բ տարբերակ ընտրած մասնակիցների ցուցակները և ստացած միավորները (ըստ Հավելված 3-ի) Մարզպետարանի կրթության, մշակույթի և սպորտի վարչությունը /Երևանի քաղաքապետարանի հանրակրթության վարչությունը/ մինչև 2017թ. փետրվարի 20-ը ներկայացնում է հանրապետական կազմկոմիտե՝ info@olymp.am էլեկտրոնային հասցեով:
24. Օլիմպիադայի երրորդ փուլը Բ տարբերակ ընտրած աշակերտների համար անցկացվում է 2017 թ. մարտի 11-ին՝ ՀՀ ԿԳ նախարարության կողմից սահմանված վայրում:
25. Բ տարբերակ ընտրած և երկրորդ փուլում լավագույն արդյունքներ ցուցաբերած մասնակիցները երրորդ փուլին մասնակցում են՝ համաձայն հանրապետական կազմկոմիտեի որոշման:
26. Օլիմպիադայի Բ տարբերակի երրորդ փուլի աշխատանքների արդյունքների բողոքարկումը կատարվում է օլիմպիադայի անցկացման վայրում՝ առարկայական հանձնաժողովի կողմից նշանակված ժամին:
27. Բ տարբերակի երրորդ փուլի հաղթողները՝ առավելագույնը 20 մասնակից, պարգևատրվում են ՀՀ ԿԳ նախարարության դիպլոմներով և հնարավորություն ստանում մասնակցելու Ա տարբերակի օլիմպիադայի երրորդ փուլին:
28. Ա տարբերակի օլիմպիադայի երրորդ փուլն անցկացվում է 2017 թ. մարտի 25-ին և 26-ին սկիզբը՝ ժամը 10:00- ին՝ ՀՀ ԿԳ նախարարության կողմից սահմանված վայրում:
29. Երրորդ փուլին մասնակցում են երկրորդ փուլում Ա տարբերակի լավագույն արդյունքներ ցուցաբերած մասնակիցները՝ համաձայն հանրապետական կազմկոմիտեի որոշման և Բ տարբերակի երրորդ փուլի դիպլոմակիրները:
30. Օլիմպիադայի Ա տարբերակի երրորդ փուլի աշխատանքների արդյունքների բողոքարկումը կատարվում է օլիմպիադայի անցկացման վայրում՝ առարկայական հանձնաժողովի կողմից նշանակված ժամին:
31. ՀՀ ԿԳ նախարարության կողմից երրորդ փուլի մասնակիցներին տրվում են օլիմպիադայի մասնակցության հավաստագրեր:
32. Ա տարբերակի երրորդ փուլի հաղթողները պարգևատրվում են ՀՀ ԿԳ նախարարության դիպլոմներով:
33. Օլիմպիադայի Ա տարբերակի երրորդ փուլի 10-12-րդ դասարանների դիպլոմակիրները համարվում են մաթեմատիկայի միջազգային օլիմպիադայի ՀՀ թիմի հավակնորդներ:

\*Ա տարբերակի առաջադրանքները երկրորդ և երրորդ փուլերում ավելի բարդ են քան Բ տարբերակինը: